



ორბი ჯგუფი
ORBI GROUP
HTTP://WWW.ORBIGROUP.NET

ქ. ბათუმი

„29“ „აგვისტო“ 2024 წ.

ბ რ ძ ა ნ ე ბ ა № 15231

**„ორბის“ ჰოლდინგში შემავალი კომპანიების/იურიდიული
პირების მფლობელობაში არსებულ სასტუმროში
ქვევის წესების დამტკიცების შესახებ**

1. დამტკიცდეს „ორბის“ ჰოლდინგში შემავალი კომპანიების/იურიდიული პირების მფლობელობაში არსებულ სასტუმროში ქვევის წესები“ თანახმად დანართი №1-სა.
2. დაევალოს „ორბი“-ს ჰოლდინგში შემავალი კომპანიების/იურიდიული პირების სასტუმროების მართვის დეპარტამენტს (დავით პოლი), უზრუნველყოს წინამდებარე ბრძანების დანართი №1-თ დამტკიცებული „სასტუმროში ქვევის წესები“-ს 6.4. პუნქტით გათვალისწინებული ღონისძიებების განხორციელება.
3. წინამდებარე ბრძანება ითვლება „ორბი“-ს ჰოლდინგში შემავალი კომპანიების/იურიდიული პირების აქტად.
4. წინამდებარე ბრძანების მიზნებისათვის, „ორბი“-ს ჰოლდინგში შემავალი კომპანიების/იურიდიული პირების ჩამონათვალი განსაზღვრულია „ორბი“-ს ჰოლდინგში შემავალი კომპანიების/იურიდიული პირების ჩამონათვალის დამტკიცების შესახებ“ „ორბი“-ს ჰოლდინგში შემავალი კომპანიების /იურიდიული პირების დირექტორის/გენერალური დირექტორის 2023 წლის 10 მაისის №7716 ბრძანებით.
5. ბრძანება ძალაშია ხელმოწერისთანავე.

**„ორბის“ ჰოლდინგში შემავალი კომპანიების
დირექტორი/გენერალური დირექტორი**

ი. კვეხელიძე



ხელშეკრულების სტანდარტული პირობები
„სასტუმროში ქცევის წესები“

**„ორბის“ ჰოლდინგში შემავალი კომპანიების/იურიდიული
პირების მფლობელობაში არსებულ სასტუმროში ქცევის წესები**

1. წესების მიზნები:

წინამდებარე „სასტუმროში ქცევის წესები“ (შემდგომში „სასტუმროს წესები“) ადგენს „ორბის“ ჰოლდინგში შემავალი კომპანიების/იურიდიული პირების მფლობელობაში არსებულ სასტუმრო კომპლექსებში ქცევის წესებს, რომელთა მიზანია სასტუმრო კომპლექსებში მართლწესრიგის დაცვის უზრუნველყოფა, ასევე სასტუმროში მცხოვრებ/განთავსებულ პირთა კანონიერი უფლებებისა და ინტერესების დაცვა, და განსაზღვრავს „სასტუმროს წესების“ დარღვევისათვის პასუხისმგებლობის სახეს და ზომას.

2. სასტუმროები, სადაც მოქმედებს წესები:

2.1. წინამდებარე „სასტუმროს წესები“ მოქმედებს „ორბის“ ჰოლდინგში შემავალი კომპანიების/იურიდიული პირების მფლობელობაში არსებულ შემდეგ სასტუმრო კომპლექსებში:

A) ქ. ბათუმში, შერიფ ხიმშიაშვილის ქ. №7ბ-ში მდებარე სასტუმრო კომპლექსში (ს/კოდი: 05.24.05.222), „ორბი სითის“ „ა“ ბლოკი;

B) ქ. ბათუმში, შერიფ ხიმშიაშვილის ქ. №7დ-ში მდებარე სასტუმრო კომპლექსში (ს/კოდი: 05.24.05.237), „ორბი სითის“ „ც“ ბლოკი;

C) ქ. ბათუმში, ჟიული შარტავას გამზ. №1-ში მდებარე სასტუმრო კომპლექსში (ს/კოდი: 05.24.05.246), „ორბი სითის“ „დ1“ ბლოკი;

D) ქ. ბათუმში, ჟიული შარტავას გამზ. №3-ში მდებარე სასტუმრო კომპლექსში (ს/კოდი: 05.24.05.218), „ორბი სითის“ „დ2“ ბლოკი;

E) ქ. ბათუმში, ჟიული შარტავას გამზ. №3-ში მდებარე სასტუმრო კომპლექსში (ს/კოდი: 05.24.05.218), „ორბი სითის“ „ც2“ ბლოკი;

F) ქ. ბათუმში, შერიფ ხიმშიაშვილის ქ. №15ა-ში მდებარე სასტუმრო კომპლექსში (ს/კოდი: 05.24.04.055), „სი თაუერების“ „ა“ ბლოკი;

G) ქ. ბათუმში, შერიფ ხიმშიაშვილის ქ. №15ბ-ში მდებარე სასტუმრო კომპლექსში (ს/კოდი: 05.24.04.056), „სი თაუერების“ „ბ“ ბლოკი;

H) ქ. ბათუმში, შერიფ ხიმშიაშვილის ქ. №15გ-ში მდებარე სასტუმრო კომპლექსში (ს/კოდი: 05.24.04.054), „სი თაუერების“ „გ“ ბლოკი;

I) ქ. ბათუმში, შერიფ ხიმშიაშვილის ქ. №57-ში მდებარე სასტუმრო კომპლექსში (ს/კოდი: 05.32.12.230), „ბიჩ თაუერი“;

J) ქ. ბათუმში, კობალაძის ქ. №2-ში მდებარე სასტუმრო კომპლექსში (ს/კოდი: 05.24.03.052), „Orbi Residence“;

K) ქ. ბათუმში, კობალაძის ქ. №4-ში მდებარე სასტუმრო კომპლექსში (ს/კოდი: 05.24.03.036), „ორბი პლაზა“

L) ბორჯომის მინიციპალიტეტში, დაბა ბაკურიანში, დიდველის ქ. №32-ში მდებარე სასტუმრო კომპლექსში (ს/კოდი 64.30.04.578) „Orbi Palace“;

M) ბორჯომის მინიციპალიტეტში, დაბა ბაკურიანში, დიდველის ქ. №92-ში მდებარე სასტუმრო კომპლექსში (ს/კოდი 64.30.04.754) „Orbi Palace Deluxe“.

2.2. გარდა 2.1 პუნქტში მითითებული სასტუმრო კომპლექსებისა, „სასტუმროს წესები“ მოქმედებს ყველა იმ ობიექტში, რომლებიც წინამდებარე „სასტუმროს წესების“ ძალაში შესვლის შემდეგ გადავა „ორბის“ ჰოლდინგში შემავალი კომპანიების/იურიდიული პირების მფლობელობაში, და რომლებიც გამოყენებული იქნება წინამდებარე „სასტუმროს წესების“ 2.1. პუნქტში მითითებული სასტუმრო კომპლექსების მსგავსი ფუნქციური დანიშნულებით.

2.3. „სასტუმროს წესების“ მიზნებისათვის, „ორბი“-ს ჰოლდინგში შემავალი კომპანიების/იურიდიული პირების ჩამონათვალი განსაზღვრულია „ორბის“ ჰოლდინგში შემავალი კომპანიების/იურიდიული პირების ჩამონათვალის დამტკიცების შესახებ „ორბის“ ჰოლდინგში შემავალი კომპანიების/იურიდიული პირების 2023 წლის 10 მაისის №7716 ბრძანებით.

3. წესების მოქმედება პირთა წრის მიმართ:

3.1. „სასტუმროს წესები“ მოქმედებს ყველა იმ პირის მიმართ, რომელიც იმყოფება „სასტუმრო წესების“ №2 პუნქტით გათვალისწინებულ ობიექტში, მიუხედავად ობიექტში ყოფნის მიზნობრიობისა.



ხელშეკრულების სტანდარტული პირობები
„სასტუმროში ქცევის წესები“

3.2. თუ „სასტუმრო წესების“ მე-2 პუნქტით გათვალისწინებულ ობიექტში თანადროულად შევა რამოდენიმე პირი, თითოეული მათგანი წარმოადგენენ სოლიდარულ მხარეებს (სოლიდარულ მოვალეს).

3.3. თუ „სასტუმრო წესების“ მე-2 პუნქტით გათვალისწინებულ ობიექტში რომელიმე პირი შევა ცხოვრების მიზნით და მისი განთავსების სასტუმრო ნომერი არ არის „ორბის“ ჰოლდინგში შემავალი კომპანიების/იურიდიული პირის არც საკუთრებაში და არც მართვაში, სასტუმრო ნომერში განთავსებული პირი და მისი განთავსებამდე სასტუმრო ნომრის პირდაპირი მფლობელი, ხოლო ასეთის არარსებობისას სასტუმრო ნომრის მესაკუთრე, პირის სასტუმრო ნომერში განთავსების პერიოდში მასთან (სასტუმრო ნომერში განთავსებულ პირთან ერთად) ერთად წარმოადგენენ სოლიდარულ მხარეებს (სოლიდარულ მოვალეს).

4. სასტუმროში ქცევის წესები და პირგასამტეხლო მათი დარღვევისათვის:

4.1. სასტუმროს შენობაში მყოფი პირი ვალდებულია:

4.1.1. დაიცავას სახანძრო უსაფრთხოების წესები, გაეცნოს სასტუმრო ნომრებში/სასტუმროს საერთო საკუთრების სივრცეებში განთავსებულ საევაკუაციო ინსტრუქციას და საჭიროების შემთხვევაში ისარგებლოს საევაკუაციო კიბით.

4.1.2. პატივი სცეს სასტუმროში მყოფ სხვა პირთა კანონიერ უფლებებს.

4.1.3. სასტუმროს ქონების დაკარგვის ან დაზიანების შემთხვევაში ანაზღაუროს ამით მიყენებული ზიანი.

4.1.4. სასტუმროს ნომერში და საერთო საკუთრების სივრცეებში არ გამოიყენოს გამათბობელი მოწყობილობები (ელექტრო ჩაიდანის, ელექტრო ღუმელი და ა.შ.), თუ მათი გამოყენება არ არის ნებადართული სასტუმროს ადმინისტრაციის მიერ. აღნიშნული ვალდებულების დარღვევის შემთხვევაში:

A) დამრღვევ პირს დაეკისრება პირგასამტეხლო 100,00 (ასი) ლარის ოდენობით;

B) პირგასამტეხლოს დაკისრებასთან ერთად დამრღვევი ვალდებულია დაუყოვნებლივ გაიტანოს შესაბამისი მოწყობილობები სასტუმროს შენობის ფარგლებს გარეთ. ხსენებული ვალდებულების შეუსრულებლობის შემთხვევაში სასტუმროს ადმინისტრაცია უფლებამოსილია თავად განახორციელოს შესაბამისი ნივთის გატანა და მისი შენახვა. ასეთ დროს ნივთის სასტუმრო ნომრიდან გატანისათვის და მისი შენახვისათვის გაწეული ხარჯები ექვემდებარე დამრღვევი პირის მიერ ანაზღაურებას.

4.1.5. სასტუმროს დერეფანის კედლებზე და სასტუმრო ნომერში შესასვლელ კარებზე არ განთავსოს რაიმე სახის და/ან შინაარსის რეკლამა/ინფორმაცია და/ან აბრა. დასაშვებია სასტუმრო ნომრის ნუმერაციის აღმნიშვნელი და მესაკუთრის/მოსარგებლის სახელის/დასახელების აღმნიშვნელი აბრის განთავსება, რომლის დიზაინიც წინასწარ უნდა შეთანხმდეს სასტუმროს ადმინისტრაციასთან. აღნიშნული ვალდებულების დარღვევის შემთხვევაში:

A) დამრღვევ პირს დაეკისრება პირგასამტეხლო 100,00 (ასი) ლარის ოდენობით;

B) პირგასამტეხლოს დაკისრებასთან ერთად დამრღვევი ვალდებულია დაუყოვნებლივ ჩამოხსნას განთავსებული რეკლამა/ინფორმაცია ან აბრა. ხსენებული ვალდებულების შეუსრულებლობის შემთხვევაში სასტუმროს ადმინისტრაცია უფლებამოსილია თავად უზრუნველყოს რეკლამის/ინფორმაციის ან აბრის ჩამოხსნა. ასეთ დროს რეკლამის/ინფორმაციის ან აბრის ჩამოხსნისათვის გაწეული ხარჯები ექვემდებარე დამრღვევი პირის მიერ ანაზღაურებას.

4.1.6. არ გამოიწვიოს აკუსტიკური ხმაური, რომელიც აღემატება საქართველოს კანონმდებლობით სასტუმროებისათვის დადგენილ ნორმებს. აღნიშნული ვალდებულების დარღვევის შემთხვევაში დამრღვევ პირს დაეკისრება პირგასამტეხლო 150,00 (ასორმოცდაათი) ლარის ოდენობით.

4.1.7. სასტუმროს საერთო საკუთრების სივრცეებში არ მიირთვას საკვები, გარდა საამისოდ განსაზღვრული კვების ობიექტებისა, ასევე არ მოიხმაროს ალკოჰოლური სასმელები. აღნიშნული ვალდებულების დარღვევის შემთხვევაში დამრღვევ პირს დაეკისრება პირგასამტეხლო 100,00 (ასი) ლარის ოდენობით.

4.1.8. სასტუმრო ნომრებში არ შეიტანოს და არ იქონიოს ფეთქებადი და სწრაფად აალებადი, ტოქსიკური, მომწამვლელი, ნარკოტიკული ნივთიერებები, ნებისმიერი სახის პირობითი და სხვა ფეთქებადსაშიში ნივთები, რომლებიც საფრთხეს უქმნის პირთა ქონებას, ადამიანთა ჯანმრთელობას და/ან სიცოცხლეს. აღნიშნული ვალდებულების დარღვევის შემთხვევაში:

A) დამრღვევ პირს დაეკისრება პირგასამტეხლო 300,00 (სამასი) ლარის ოდენობით;

B) პირგასამტეხლოს დაკისრებასთან ერთად დამრღვევი ვალდებულია დაუყოვნებლივ გაიტანოს შესაბამისი ნივთები სასტუმროს შენობის ფარგლებს გარეთ. ამ ვალდებულების შეუსრულებლობის შემთხვევაში სასტუმროს ადმინისტრაცია უფლებამოსილია თავად უზრუნველყოს შესაბამისი ნივთების გატანა და მისი შენახვა.



ხელშეკრულების სტანდარტული პირობები
„სასტუმროში ქცევის წესები“

თების გატანა და მათი შენახვა, ხოლო საქართველოს კანონმდებლობით გათვალისწინებულ შემთხვევაში მისი უფლებამოსილი ორგანიზაციის გადაცემა. ასეთ დროს ნივთების სასტუმრო ნომრიდან გატანისათვის და მისი დროებით შენახვისათვის გაწეული ხარჯები ექვემდებარე დამრღვევი პირის მიერ ანაზღაურებას.

შენიშვნა: თუ პირს თან აქვს ისეთი ნივთი, რომლის შეძენა-შენახვა-ტარება აკრძალულია საქართველოს კანონმდებლობით, სასტუმროს ადმინისტრაცია ვალდებულია ფაქტის თაობაზე შეატყობინოს სამართალდამცავ ორგანოებს.

4.1.9. სასტუმრო ნომერში არ შეიყვანის შინაური ცხოველები, ფრინველები, მწერები, სასტუმროს ადმინისტრაციასთან წინასწარი შეთანხმების გარეშე. აღნიშნული ვალდებულების დარღვევის შემთხვევაში დამრღვევ პირს დაეკისრება პირგასამტეხლო 100,00 (ასი) ლარის ოდენობით.

4.1.10. სასტუმროში ყოფნისას არ იმყოფებოდეს არაფხიზელ მდგომარეობაში, რომელიც არ აკმაყოფილებს სანიტარულ/ჰიგიენურ მოთხოვნებს და საყოველთაოდ აღიარებულ საზოგადოებაში ქცევის ზოგად ზნეობრივ ნორმებს. აღნიშნული ვალდებულების დარღვევის შემთხვევაში დამრღვევ პირს დაეკისრება პირგასამტეხლო 200,00 (ორასი) ლარის ოდენობით.

4.1.11. არ მოხსნას კვამლის დეტექტორი და/ან არ განახორციელოს სხვა ქმედება, რაც გამოიწვევს კვამლის დეტექტორის ფუნქციური დანიშნულებით მუშაობის დარღვევას. აღნიშნული ვალდებულების დარღვევის შემთხვევაში დამრღვევ პირს დაეკისრება პირგასამტეხლო 500,00 (ხუთასი) ლარის ოდენობით.

4.1.12. სასტუმროს საერთო საკუთრების სივრცეებში (დერეფნებში, კიბის უჯრედებში, სასტუმრო ნომრის შესასვლელ კართან და ა.შ.) არ დაყაროს/დატოვოს ნარჩენი/ნაგავი, ასევე სასტუმრო ნომრის შესასვლელ კართან არ განალაგოს რაიმე ნივთი. აღნიშნული ვალდებულების დარღვევის შემთხვევაში:

A) დამრღვევ პირს დაეკისრება პირგასამტეხლო 200,00 (ორასი) ლარის ოდენობით;

B) პირგასამტეხლოს დაკისრებასთან ერთად დამრღვევი ვალდებულია დაუყოვნებლივ უზრუნველყოს თავდაპირველი სანიტარულ/ჰიგიენური მდგომარეობის აღდგენა და დატოვებული/დაყრილი ნარჩენის/ნაგავის გატანა სასტუმროს ობიექტის შენობის ფარგლებს გარეთ. ამ ვალდებულების შეუსრულებლობის შემთხვევაში სასტუმროს ადმინისტრაცია უფლებამოსილია თავად უზრუნველყოს დალაგება/დასუფთავების სამუშაოები, ასევე სასტუმრო ნომრის შესასვლელ კართან განლაგებული ნივთების გატანა, და საჭიროებისას მათი შენახვა. ასეთ დროს დალაგება/დასუფთავების და/ან ნივთების დერეფნიდან გატანისათვის და/ან მათი შენახვისათვის გაწეული ხარჯები ექვემდებარე დამრღვევი პირის მიერ ანაზღაურებას.

4.1.13. არ გადააგდოს აივნებიდან არანაირი სახის ნარჩენი/ნაგავი, მათ შორის სიგარეტის ნამწვავი. აღნიშნული ვალდებულების დარღვევის შემთხვევაში დამრღვევ პირს დაეკისრება პირგასამტეხლო 200,00 (ორასი) ლარის ოდენობით.

4.1.14. სასტუმრო ნომერში და სასტუმროს საერთო საკუთრების სივრცეებში არ მოიხმაროს (მოწიოს) არანაირი სახის თამბაქოს და/ან თამბაქოს შემცველი ნაწარმი, მათ შორის ელექტრონული, გამახურებელი მოწყობილობების გამოყენებით. აღნიშნული ვალდებულების დარღვევის შემთხვევაში დამრღვევ პირს დაეკისრება პირგასამტეხლო 200,00 (ორასი) ლარის ოდენობით.

4.1.15. ფასადზე და/ან მის რომელიმე ნაწილზე, მათ შორის აივნის მოაჯირზე და/ან მის რომელიმე ნაწილზე არ განათავსოს რაიმე სახის და/ან შინაარსის რეკლამა/ინფორმაცია. აღნიშნული ვალდებულების დარღვევის შემთხვევაში:

A) დამრღვევ პირს დაეკისრება პირგასამტეხლო 1000,00 (ერთი ათასი) აშშ დოლარის ოდენობით;

B) პირგასამტეხლოს დაკისრებასთან ერთად დამრღვევი ვალდებულია დაუყოვნებლივ ჩამოხსნას სასტუმროს ფასადზე განთავსებული რეკლამა/ინფორმაცია. ამ ვალდებულების შეუსრულებლობის შემთხვევაში სასტუმროს ადმინისტრაცია უფლებამოსილია თავად უზრუნველყოს სასტუმროს ფასადზე განთავსებული რეკლამის/ინფორმაციის მოხსნა. ასეთ დროს სასტუმროს ფასადზე განთავსებული რეკლამის/ინფორმაციის ჩამოხსნისათვის გაწეული ხარჯები ექვემდებარე დამრღვევი პირის მიერ ანაზღაურებას.

4.1.16. სასტუმროს ნომრის აივანზე არ გააბას სარეცხი თოკები. აღნიშნული ვალდებულების დარღვევის შემთხვევაში:

A) დამრღვევ პირს დაეკისრება პირგასამტეხლო 100,00 (ასი) ლარის ოდენობით;

B) პირგასამტეხლოს დაკისრებასთან ერთად დამრღვევი ვალდებულია დაუყოვნებლივ ჩამოხსნას სარეცხი თოკები. ამ ვალდებულების შეუსრულებლობის შემთხვევაში სასტუმროს ადმინისტრაცია



ხელშეკრულების სტანდარტული პირობები
„სასტუმროში ქვევის წესები“

უფლებამოსილია თავად უზრუნველყოს სარეცხი თოკების ჩამოხსნა. ასეთ დროს სარეცხი თოკების ჩამოხსნისათვის გაწეული ხარჯები ექვემდებარე დამრღვევი პირის მიერ ანაზღაურებას.

4.2. „სასტუმრო წესების“ მე-4 პუნქტი არ ათავისუფლებს რომელიმე პირს საქართველოს კანონმდებლობით გათვალისწინებული ვალდებულების შესრულებისაგან, რომელთა დარღვევისას პასუხისმგებლობა განისაზღვრება შესაბამისად საქართველოს კანონმდებლობით.

4.3. „სასტუმრო წესების“ მე-4 პუნქტი არ ათავისუფლებს რომელიმე პირს რომელიმე დოკუმენტით (ხელშეკრულება, შეთანხმება და სხვა მისთანა) მის მიერ ნაკისრი ვალდებულებების შესრულებისაგან, რომელთა დარღვევისას პასუხისმგებლობა განისაზღვრება შესაბამისი დოკუმენტით (ხელშეკრულება, შეთანხმება და სხვა მისთანა).

4.4. „სასტუმროს წესების“ მე-4 პუნქტით გათვალისწინებული ვალდებულებებიდან რამოდენიმეს დარღვევის შემთხვევაში პირს პირგასამტეხლო დაეკისრება თითოეული დარღვევისათვის ცალცალკე.

4.5. „სასტუმროს წესების“ მე-4 პუნქტით გათვალისწინებული ვალდებულებების დარღვევისათვის დაკისრებული პირგასამტეხლოს გადახდა პირს არ ათავისუფლებს მიყენებული ზიანის ანაზღაურებისაგან.

4.6. წინამდებარე „სასტუმროს წესების“ 4.1. პუნქტის მიზნებისათვის სასტუმროს ადმინისტრაციას წარმოადგენს:

- A) სასტუმროების მართვის დეპარტამენტის უფროსი;
- B) შესაბამისი სასტუმროს მენეჯერი;
- C) ფრონტ ოფისის განყოფილება.

5. დაკისრებული პირგასამტეხლოს გადახდის წესი:

5.1. წინამდებარე „სასტუმროს წესებით“ გათვალისწინებული ვალდებულებების დარღვევისათვის პირს პირგასამტეხლო ეკისრება „ორბის“ ჰოლდინგში შემავალი იმ კომპანიის/იურიდიული პირის სასარგებლოდ:

- A) რომელიც ახორციელებს სასტუმროს შენობაში არსებული საერთო სივრცეების მოვლას/მართვას, თუ დარღვევა ჩადენილია სასტუმრო ნომრის ფარგლებს გარეთ;
- B) რომლის მფლობელობაშიც იმყოფება სასტუმრო ნომერი, თუ დარღვევა ჩადენილია სასტუმრო ნომერში.

5.2. დაკისრებული პირგასამტეხლო გადახდილი უნდა იქნას, მისი გადახდის მოთხოვნის დღესვე, მაგრამ არაუგვიანეს პირის სასტუმროდან გასვლამდე.

5.3. დაკისრებული პირგასამტეხლო გადახდილი შეიძლება იქნას როგორც ნაღდი, ისე უნაღდო ანგარიშსწორების წესით, თანხის „ორბის“ ჰოლდინგში შემავალი შესაბამისი კომპანიის/იურიდიული პირის საბანკო ანგარიშზე გადარიცხვით.

5.4. დაკისრებული პირგასამტეხლოს გადაუხდელობის შემთხვევაში „ორბის“ ჰოლდინგში შემავალი შესაბამისი კომპანია/იურიდიული პირი უფლებამოსილია:

- A) დაუყონებლივ შეუწყვიტოს პირს სასტუმრო მომსახურების გაწევა. დაუშვებელია სასტუმრო მომსახურების შეწყვეტა 20:00 საათიდან 09:00 საათის განმავლობაში;
- B) დაუყონებლივ შეუწყვიტოს პირს ნებისმიერი სხვა მომსახურების გაწევა, რასაც არ მოიცავს სასტუმრო მომსახურების გაწევას;
- C) შეზღუდოს პირის ყოფნა სასტუმროს შენობაში. დაუშვებელია სასტუმროს შენობაში პირის ყოფნის შეზღუდვა 20:00 საათიდან 09:00 საათის განმავლობაში;
- D) შეზღუდოს პირის სასტუმროს ინფრასტრუქტურით, მათ შორის ლიფტებით სარგებლობა.

5.5. დაკისრებული პირგასამტეხლოს გადახდევინებაზე უფლებამოსილ პირებს წარმოადგენენ:

- A) სასტუმროების მართვის დეპარტამენტის უფროსი;
- B) შესაბამისი სასტუმროს საოპერაციო განყოფილება;
- C) სასტუმროების ფინანსური აქტივების მართვის მენეჯერი;
- D) შესაბამისი სასტუმროს მენეჯერი;
- E) ფრონტ ოფისის განყოფილება.

6. სხვა პირობები:

- 6.1.** წინამდებარე „სასტუმროს წესები“ წარმოადგენს ხელშეკრულების სტანდარტულ პირობებს.
- 6.2.** ხელშეკრულებას, რომლის სტანდარტულ პირობებსაც წარმოადგენს წინამდებარე „სასტუმროს წესები“, შესაბამისად არის:



ხელშეკრულების სტანდარტული პირობები
„სასტუმროში ქვევის წესები“

A) სასტუმრო მომსახურების გაწევის თაობაზე ხელშეკრულება, თუ „ორბის“ ჰოლდინგში შემავალი კომპანია/იურიდიული პირი დამრღვევ პირს უწევს სასტუმროს მომსახურებას;

B) მესაკუთრესა და „ორბის“ ჰოლდინგში შემავალ კომპანიას/იურიდიულ პირს შორის გაფორმებული მომსახურების ხელშეკრულება, თუ „ორბის“ ჰოლდინგში შემავალი კომპანია/იურიდიული პირი დამრღვევ პირს არ უწევს სასტუმროს მომსახურებას, თუმცა დამრღვევი სარგებლობს სასტუმრო ნომრით, ან დამრღვევი პირი არ სარგებლობს სასტუმრო ნომრით, მაგრამ იგი არის სასტუმრო ნომრის მესაკუთრე ან მის მიერ მინდობილი პირი;

C) „ორბის“ ჰოლდინგში შემავალი კომპანიას/იურიდიულ პირსა და დამრღვევ პირს შორის გაფორმებული შრომითი ხელშეკრულება, თუ დამრღვევი პირი შრომით-სამართლებრივ ურთიერთობაში იმყოფება „ორბის“ ჰოლდინგში შემავალ კომპანიასთან/იურიდიულ პირთან;

D) „ორბის“ ჰოლდინგში შემავალ კომპანიას/იურიდიულ პირსა და დამრღვევ პირს შორის გაფორმებული სამოქალაქო-სამართლებრივი ხელშეკრულება, გარდა 6.2. პუნქტის „A“ და „B“ ქვეპუნქტებით გათვალისწინებული ხელშეკრულებისა, თუ დამრღვევი პირი სამოქალაქო სამართლებრივ ურთიერთობაში იმყოფება „ორბის“ ჰოლდინგში შემავალ კომპანიასთან/იურიდიულ პირთან;

E) 6.2. პუნქტის „A“-„D“ ქვეპუნქტებით გათვალისწინებულის გარდა ნებისმიერი სხვა ხელშეკრულება/სახელშეკრულება ურთიერთობა, რომელიც იდება/წარმოიშობა, მათ შორის ზეპირი ფორმით, დამრღვევ პირსა და „ორბის“ ჰოლდინგში შემავალ კომპანიას/იურიდიულ პირს შორის.

6.3. თუ წინამდებარე „სასტუმროს წესებით“ გათვალისწინებულ დარღვევას ჩაიდენს პირი, რომელთანაც დადებულია/წარმოშობილად არ ითვლება 6.2. პუნქტით გათვალისწინებული არცერთი ხელშეკრულება/სახელშეკრულებო ურთიერთობა, წინამდებარე „სასტუმროს წესები“ წარმოადგენს დამრღვევ პირსა და „ორბის“ ჰოლდინგში შემავალ შესაბამის კომპანიას/იურიდიულ პირს შორის წარმოშობილ დამოუკიდებელ სახელშეკრულებო ურთიერთობას, ხოლო თავად სახელშეკრულებო ურთიერთობის/ხელშეკრულების საგანს წარმოადგენს პირის ვალდებულება, შეასრულოს წინამდებარე „სასტუმროს წესების“ 4.1. პუნქტით გათვალისწინებული მოთხოვნები.

6.4. 6.2. პუნქტით გათვალისწინებული ხელშეკრულების სტანდარტულ პირობებად ქვევის მიზნით წინამდებარე „სასტუმროს წესები“ A4 ფორმატის ფურცელზე ამობეჭდილი სახით:

A) გამოქვეყნდეს/განთავსდეს წინამდებარე „სასტუმროს წესების“ მე-2 პუნქტით გათვალისწინებული ყველა სასტუმროს მიმღების (რეცეფშენის) სივრცეში;

B) გამოქვეყნდეს/განთავსდეს წინამდებარე „სასტუმროს წესების“ მე-2 პუნქტით გათვალისწინებული ყველა სასტუმროს მიმღების (რეცეფშენის) სივრცის იმ ნაწილში, სადაც გაიცემა სასტუმრო ნომრის გასაღები/ბარათი;

C) გამოქვეყნდეს/განთავსდეს წინამდებარე „სასტუმროს წესების“ მე-2 პუნქტით გათვალისწინებული ყველა სასტუმროს ყველა იმ სართულზე ლიფტების სივრცეში, სადაც განთავსებულია სასტუმრო ნომრები.

6.5. მიუხედავად წინამდებარე „სასტუმროს წესების“ შესაბამისი ხელშეკრულების სტანდარტულ პირობებად ქვევისას, სასტუმროს ადმინისტრაცია ვალდებულია სასტუმრო ნომრის გასაღების/ბარათის გაცემასთან ერთად პირს გადასცეს წინამდებარე „სასტუმროს წესები“ A4 ფორმატის ფურცელზე ამობეჭდილი სახით ქართულ ენაზე, ხოლო, თუ პირმა არ იცის ქართული ენა, ინგლისურ ენაზე. სასტუმროს ადმინისტრაცია უფლებამოსილია (არა ვალდებული), პირს წინამდებარე „სასტუმროს წესები“ გადასცეს მისთვის გასაგებ ენაზეც.

6.6. წინამდებარე „სასტუმროს წესები“ შედგა ქართულ ენაზე და ითარგმნა ინგლისურ ენაზე.

„ორბის“ ჰოლდინგში შემავალი კომპანიების
 დირექტორი/გენერალური დირექტორი

ი. კვეხელიძე

